



Chistiona su Sardu!

Letzione N.22

Fàghere sos annos

Maistra: In custu diàlogu amus a intèndere annuntziende sa die chi unu faghet sos annos, e amus a bìdere comente iscriere messàgios e dèdicas de augùrios.

Lio: O Micheli, *facebook* m'at ammentadu ca oe faghet sos annos fradile nostru. Mi nde fia ismentigada!

Micheli: E chie? Gaine o Frantziscu?

Lio: Gaine. Faghet sèighi annos.

Micheli: Li mandamus unu messàgiu de augùrios?

Lio: Faghe-lu dae su telefoneddu tuo, deo giai l'apo fatu in facebook e m'at torradu isceda puru.

Micheli: E ite iscrio?

Marisa: Nde bastat unu simpre meda: "A chent'annos fradile meu. Augùrios mannos. Micheli".

Lio: M'at naradu chi notesta benit a su cuntzertu e cumbidat a totus.

Micheli: Ma non tenimus regalù de li dare!

Lio: Li podimus regalare unu libru chi m'apo comporadu s'àtera die in Aristanis. Est unu gènere chi li praghet meda. Non faghet nudda. Deo mi lu torro a comporare.

Micheli: Li faghimus una dèdica in duos?

Lio: Emmo, ma tue mi torras bator èuros ca l'apo pagadu cun dinare meu.

Micheli: Ih, già ses pagu restiga! Faghimus duos ca tue ti l'as giai lèghidu!

Lio: Millu! Su boe narat corrudu a s'àinu!